

BOSNA I HERCEGOVINA
Federacija Bosne i Hercegovine
Federalna uprava za geodetske i imovinsko-pravne poslove
Projekt registracije nekretnina – RERP, kredit br. 5188-BA

POZIV ZA IZJAVU INTERESA
Konzultantska usluga – selekcija firme
Projektni zadatak: Kampanja javnog informiranja o zamjeni/uspostave zemljišne knjige na podacima novog premjera u okviru Projekta registracije nekretnina u Federaciji BiH

BA-RERP-5188BA-FBiH-CS-CQ-20-A.1.2.7

Bosna i Hercegovina i Federacija Bosne i Hercegovine, kroz sub-sidijarni ugovor sa Bosnom i Hercegovinom, je dobila kredit od Svjetske banke - Međunarodne asocijacije za razvoj (IDA) za pokrivanje troškova Projekta registracije nekretnina, i namjerava da upotrijebi dio kreditnih sredstava za plaćanje ugovora za konzultantske usluge za Kampanju javnog informisanja o zamjeni/uspostave zemljišne knjige na podacima novog premjera u okviru Projekta registracije nekretnina u Federaciji BiH (Projekt).

Kroz implementaciju kampanje javnog informiranja (KJI) želi se upoznati javnost, o procedurama u sistemu zemljišnih knjiga i katastru, pravima i obavezama vlasnika nekretnina, sa posebnim naglaskom na postupak uspostavljanja zemljišne knjige po podacima novog premjera. Prema tome, kampanja javnog informiranja ima za cilj da se građani podstaknu da izvrše svoju prijavu u procesu provođenja postupka uspostavljanja nove zemljišne knjige po podacima novog premjera, te da se uz ispunjavanje potrebnih uvjeta, u konačnici upišu i kao vlasnici/suvlasnici u zemljišnu knjigu po podacima novog premjera.

Time se želi podići razumijevanje javnosti i mobilizirati podršku za implementaciju aktivnosti definiranih Projektom. Konkretno, bit će potrebno da KJI:

- informira i educira javnost o aktivnostima i procedurama u sektoru zemljišne administracije koje se provode u sklopu Projekta registracije nekretnina,
- potakne i proizvede veću uključenost javnosti/stranaka u procese novog uspostavljanja zemljišne knjige po podacima novog premjera, kroz prijavljivanje prava na nekretninama u zemljišnoknjižnim uredima,
- unaprijedi imidž institucija i ureda nadležnih za registraciju nekretnina i prava na nekretninama.

Okvirni vremenski period za izvršenje ugovora je od trenutka potpisivanja ugovora do 31.12.2020. godine.

Federalna uprava za geodetske i imovinsko-pravne poslove ovim putem poziva zainteresirane konzultantske firme (u daljem tekstu Konsultante) da izjave svoj interes za obavljanje traženih usluga. Zainteresirani konsultanti bi trebali dostaviti informacije da posjeduju tražene kvalifikacije i relevantno iskustvo za obavljanje usluge.

Izvođač mora ispunjavati sljedeće zahtjeve:

- Minimalno 3 godina iskustva u implementaciji kampanje informisanja javnosti,
- Iskustvo u radu sa medijima preko kojih se vrši kampanja javnog informisanja javnosti.

Pružatelj usluga će navesti predloženo osoblje, njihove kvalifikacije i životopis za svaku od sljedećih ključnih pozicija:

- **Rukovodilac kampanje:** osoba zadužena da rukovodi i nadzire realizaciju kampanja javnog informisanja, dostavlja redovne mjesečne izvještaje naručiocu posla, dostavlja nacrt završnog izvještaja i završni izvještaj. Potrebno je da ima visoku školsku spremu (VSS) ili viši stepen obrazovanja, društvenog smjera, minimalno 3 godine iskustva u implementaciji kampanja javnog informisanja i iskustvo u upravljanju realizacijom ugovora za barem dvije kampanje javnog informiranja.

- **Osoba zadužena za implementaciju Media plana:** zadužen za realizaciju medijskog plana za svaku pojedinačnu KJI. Potrebno je da ima visoku školsku spremu (VSS) ili viši stepen obrazovanja, društvenog smjera, minimalno 3 godine iskustva u implementaciji kampanja javnog informisanja i iskustvo u realizaciji medijskog plana za barem dvije kampanje javnog informiranja.

Izjava o zanimanju sadrži reference s prethodnih poslova, biografiju - CV dodatnog ključnog osoblja ako je potrebno i procijenjeni broj pomoćnog osoblja.

Zainteresiranim konsultantima se skreće pažnja na član 1.9 Vodiča Svjetske banke: Izbor i angažiranje konsultanata u okviru IBRD zajmova i IDA kredita i grantova od strane zajmoprimaca Svjetske banke, januar 2011 ("Vodič za konsultante"), koji određuje politiku Svjetske banke o sukobu interesa.

Konsultanti se mogu udružiti sa drugim firmama u formi joint venture ili kao podizvođači da bi poboljšali svoje kvalifikacije.

Konsultant će biti odabran u skladu sa metodom "Selekcija na bazi kvalifikacije konsultanta" (CQS) po vodiču Svjetske banke za angažiranje konsultanata.

Dodatne informacije se mogu dobiti na dole navedenoj adresi u toku radnog vremena od 09.00 do 15.00 sati.

Izjave interesa se moraju dostaviti u pisanoj formi na donju adresu (osobno, poštom, faksom ili e-mail) do **18. augusta 2020. godine do 12 sati**.

Federalna uprava za geodetske i imovinsko-pravne poslove
Jedinica za implementaciju Projekta registracije nekretnina
Hamdije Kreševljakovića 96

71000 Sarajevo

Bosna i Hercegovina

Tel: ++387 33 586-063

Fax: ++387 33 586-067

E-mail: rerp_procurement@fgu.com.ba